



Sud Bosne i Hercegovine
Суд Босне и Херцеговине

Broj: Su-08-166/24

Datum: 12.07.2024. godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14 i 59/22) i člana 1. Poslovnika o radu Suda Bosne i Hercegovine ("Službeni glasnik BiH", broj: 82/05) na preporuku komisije za javne nabavke Suda Bosne i Hercegovine broj: Su-08-165/24 od 12.07.2024. godine u postupku javne nabavke kompjuterskog materijala (toneri i ketridži) – JRJN 30125110-5 i 30125120-8, donosim

ODLUKU

o izboru drugorangiranog ponuđača za nabavku kompjuterskog materijala (toneri i ketridži)

član 1.

Stavlja se van snage Odluka o izboru najpovoljnijeg ponuđača za nabavku kompjuterskog materijala (toneri i ketridži) broj: Su-08-150/24 od 27.06.2024. godine kojom je izabran ponuđač "DEFTER" d.o.o. Sarajevo, sa sjedištem na adresi Gatačka 20, po ponudi ovog ponuđača broj: 14-06-1/24 od 14.06.2024. godine za ponuđenu cijenu nakon e-aukcije od 3.300,00 KM bez PDV-a.

Prihvata se preporuka komisije za javne nabavke broj: Su-08-165/24 od 12.07.2024. godine o izboru drugorangiranog ponuđača "ALF-OM" d.o.o. Banja Luka kao drugom najbolje ocijenjenom ponuđaču sa sjedištem na adresi Vojvode Radomira Putnika 38, 71123 Istočno Sarajevo, po ponudi broj: 0171/24 od 13.06.2024. godine za ponuđenu cijenu nakon e-aukcije od **3.400,00 KM** bez PDV-a i okvirni sporazum će se zaključiti sa ponuđačem na period od 1 godinu, a maksimalna vrijednost okvirnog sporazuma iznosi 12.850,00 KM bez PDV-a.

član 2.

Prijedlog okvirnog sporazuma dostavit će se na potpis novoizabranom ponuđaču "ALF-OM" d.o.o. Banja Luka po isteku roka od 10 dana računajući od dana kada su ponuđači obavješteni o izboru najpovoljnije ponude.

član 3.

Izabrani ponuđač je dužan da u roku od 5 dana od dana zaprimanja obavještenja o rezultatima ovog postupka javne nabavke, dostavi dokaze o ispunjavanu uslova lične sposobnosti prema članu 45. stav 1. kako je zahtjevano tenderskom dokumentacijom za predmetni postupak javne nabavke.

Član 4.

Ova odluka objavljuje se na internetskoj stranici Suda Bosne i Hercegovine i stupa na snagu danom donošenja, te se dostavlja svim ponuđačima koji su učestvovali u postupku javne nabavke u skladu sa članom 70. stav 6. Zakona o javnim nabavkama.

član 5.

Za realizaciju ove odluke zadužuje se Komisija za javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke kompjuterske opreme broj: Su-08-129/24 od 24.05.2024. godine. Javna nabavka je provedena putem konkurentskog postupka broj: Su-08-132/24, a procijenjena vrijednost javne nabavke je 12.850,00 KM. Obavještenje o nabavci objavljeno je na portalu javnih nabavki pod brojem 243-7-1-33/24 od 30.05.2024. godine. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke kompjuterskog materijala (toneri i ketridži). Komisija je blagovremeno i pravilno izvršila javno otvaranje ponuda dana 14.06.2024. godine i sačinila Zapisnik o otvaranju ponuda koji je proslijeđen svim ponuđačima koji su učestvovali u postupku.

Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće; da su blagovremeno pristigle dvije (2) ponude: "DEFTER" d.o.o. i "ALF-OM" d.o.o., i da nije bilo neblagovremeno zaprimljenih ponuda. Ponude ponuđača "DEFTER" d.o.o. i "ALF-OM" d.o.o. su ocijenjene prihvatljive i u skladu sa svim uslovima iz tenderske dokumentacije.

Za ovaj postupak je predviđena e-aukcija. Obje prihvatljive ponude ("DEFTER" i "ALF-OM") su unesene na web portal javnih nabavki BiH radi zakazivanja e-aukcije. E-aukcija je počela dana 20.06.2024. godine u 11.00 sati a završila je u 11.30 sati. Tokom trajanja e-aukcije došlo je do podnošenja novih ponuda te je nakon završetka e-aukcije kreiran izvještaj o toku i završetku e-aukcije (početna i konačna rang lista) prispjelih ponuda u kojem je utvrđeno da je prvorangirana ponuda ponuđača "DEFTER" d.o.o. Sarajevo sa ponuđenom cijenom od 3.300,00 KM bez PDV-a, a drugorangirana je ponuda ponuđača "ALF-OM" d.o.o. Banja Luka sa ponuđenom cijenom od 3.400,00 KM bez PDV-a.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je prvorangirani ponuđač "DEFTER" d.o.o. Sarajevo izabran primjenjujući kriterij najniže cijene koja je ponuđena u iznosu od 3.300,00 KM bez PDV-a.

U skladu sa nevedenim donesena je Odluka o izboru najpovoljnijeg ponuđača za nabavku kompjuterskog materijala (toneri i ketridži) broj: Su-08-150/24 od 27.06.2024. godine kojom je kao najpovoljnija odabrana ponuda ponuđača "DEFTER" d.o.o. Sarajevo. U postupku za nabavku kompjuterskog materijala (toneri i ketridži), nakon izbora najpovoljnijeg ponuđača prvorangiranom ponuđaču "DEFTER" d.o.o. Sarajevo kao i drugorangiranom ponuđaču "ALF-

OM“ d.o.o. Banja Luka, upućeno je putem pošte odluka o izboru ponuđača broj: Su-08-150/24 i obavještenje o odluci broj: Su-08-151/24 dana 28.06.2024. godine.

Izabrani ponuđač “DEFTER“ d.o.o. Sarajevo je dana 02.07.2024. godine dostavio dokaze o o ispunjavanju uslova lične sposobnosti prema članu 45. Zakona o javnim nabavkama u roku od 5 dana od dana prijema obavještenja, a uvidom u dostavnicu je utvrđeno da je isti obavještenje o odluci zaprimio poštom dana 01.07.2024. godine. Nakon protoka zakonskog roka od 10 dana od primitka obavještenja i nakon što je pribavljeno mišljenje Pravobranilaštva BiH komisija za javne nabavke je dana 11.07.2024. godine na adresu ponuđača “DEFTER“ d.o.o. Sarajevo poslala prijedlog okvirnog sporazuma na potpis. Ponuđač “DEFTER“ d.o.o. Sarajevo je istog dana 11.07.2024. godine na adresu suda putem e-maila poslao dopis u kojem komisiju za javne nabavke obavještava da odustaje od nabavke i zaključenja okvirnog sporazuma. Kao razlog odustajanja ponuđač “DEFTER“ d.o.o. Sarajevo je naveo da nakon izvršene analize ponuđenih uslova koji sadrži okvirni sporazum takav stav je zauzet od strane njihovog direktora.

Po primitku obavještenja, komisija za javne nabavke se sastala dana 11.07.2024. godine i konstatovala da, s obzirom da je prvorangirani ponuđač “DEFTER“ d.o.o. Sarajevo odustao od nabavke i zaključenja okvirnog sporazuma pod uslovima navedenim u tenderskoj dokumentaciji i ponudi koju je dostavio, te da su se time stekli uvjeti iz člana 72. stav (3) tačka f) Zakona o javnim nabavkama za dodjelu ugovora drugorangiranom ponuđaču, slijedom čega komisija predlaže da se ugovor dodijeli drugorangiranom ponuđaču u postupku.

Pregledom zapisnika o ocjeni ponuda i izvještaja o završenoj e-aukciji utvrđeno je da je drugorangirani ponuđač “ALF-OM“ d.o.o. Banja Luka sa cijenom od 3.400,00 KM bez PDV-a, pa je komisija za javne nabavke dala preporuku da se isti izabere kao drugorangirani najpovoljniji ponuđač.

U postupku ocjene provedenog postupka, rukovodilac ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je komisija u svemu pravilno postupila, te da je izbor drugorangiranog ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Nakon okončane e-aukcije nesporno je da je drugorangirani ponuđač “ALF-OM“ d.o.o. Banja Luka izabran primjenjujući kriterij najniže cijene koja je ponuđena u iznosu od **3.400,00 KM** bez PDV-a.

Iz navedenih razloga, primjenom člana 64. stav (1) tačka b) i člana 72. stav (3) tačka f) Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od pet (5) dana od prijema ove odluke.

